

مجله دانش

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني . علمي ، ادبي ، سياسي هفته‌لق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

نقیسه توزیع ایدلمکده بولنشدر . امامک امور وقفیه سنه بافق ایچون اجرای وظیفه و خدمت ایدن کتبه و محاسبیر ، بر کوچوک حکومتی اداره ایتکه کفایت ایدرلر .

بالاده کی بیاناتدن روسلرک ایقاع ایتدکری ضرر و خسارات ماده نك مقدارى قولایلقله تخمین ایدیله بیلیر . داهایرانك نقاط شمالیه سنه کرکی کبی یرلشه میان روسلر سلمه السلام ایرانیلرک و عموم مسلمانلرک زیارتگاهنی تشکیل ایدن اماکنه قارشو تجاوز ایدوب بوکون اسلامری دلخون ایلشدر . بوحرکات درستانه و خصمانه ایله ایرانیلر روسلری نصل سوه بیلسونلر . بالعکس اعماق قیلملرند روسلره قارشو درین برحس خصوصت ایدیلکینه شهیه یوقدر . معابد و مساجد ایله رؤسای دینک مزارلری هریرده وهرملت و دین نظرند مصون بولندیغی حالده ، روسلر هیچ برشیئه اهمیت یرمیه رک مشهده کی (امام رضا) حضرتلرینک مرقد مبارکنی طوبلریله بومباردمان ایتک صورتیه ماهیت غرضکارانه لرینی درحال اورتیه قویمشدر . بوهفته ایچنده آذان تائیس غزته سنک باش مقاله سی ایران ایشلرندن بحث ایدرکن سوزینی مشهده بومباردماننه انتقال ایتدیروب ، روسلرک حرکات اخیرلرینی ادله و براهین منطقیه ایله انتقاد ایتش و سوء سیاستلریه اعمال قییملرینی لسان طعن و لعن ایله یاد ایلشدر .

شیمدی منصفانه دوشونه لم ، روسلر نه یوزله ایرانیلری کندیلرینه ایصندیره جقیر و نه حق ایله بوقالقلری یاییورلر . ایشه دول صلیبیه نك اک برنجیلرندن معدود اولان روسیه نك تشبثات استیلاکارانه سی بوندن عبارتدر . حیرت ، عبرت !

س . م . ت

مکاتیب

حقیقی مسلمانانی اوروپایه طائمه نك یولنی بوله لم

المانی - استوتگارت

المان له وائته واپور شرکتی طرفندن المانی اخراجات صناییه سنک تزایدی کندى واردات سنویه سنک ده تزایدی موجب اوله جنی ملاحظه سیله بر بچق سنه مقدم اولجه ماهیه اولمق اوزره والآن اون بش کونده بر چیقاریلان رسملی «المان له وائته غزته سی» ، کرک شرقرده تجارتله مشغول وطنداشیرینه ، کرک وطننده شرقرله مناسبات تجاریه ده بولان تجارتخانه لره بوک بر منفعت تأمین ایلکده در . مندرجاتی ، شرقرده رواج بوله جق امتعه نك ره قلامندن ماعدا ، تجارت ایچون اورالرده کچن متاعک جنس و فیاتلریله ترکیبات اعمالیه سنی ، مناقصیه ، چیقاریلان اشیانک تفرعاتیه اصول تسلیاتی و محل مراجعتلرینی ، شرق قریب کورفر و لیسانلرینک ادخالات و اخراجات استاتیسیتیکلرینی ، تجارت نقطه نظرندن وقوعات یومیه و مهمه یی محتویدر . اشبو غزته نك مایس ابتداسنده نشر اولنان التنجی نسخه سنده :

الیهانک مشهده کی جنرال قونسولوسی بولنیور - A Tarvers La Perse نامنده تألیف ایتدیکی اثرده مشهده شهریه امام مشارالیهک مبارک مرقدی حقهده غایت اطرافلی معلومات مکمله اعطا ایدرک دیورکه : « پدر جهتندن سلاله سی حضرت علی کرمه وجهه ووالده سی ایسه حضرت فاطمه بنت نبی رضی اه تعالی عنیه متصل اولان سکرنجی امام (رضا) حضرتلرینک مزار شریفی مشهده قصبه سنک و سطنده کائن اولوب اطراف اربعه سی بویوک وکنیش جاده لرله احاطه اولنشدر . مذکور جاده لردن زوار امامک مقبره سنه آمدشد ایدوب نماز و دعا لریله اوقات خسهده اشتغال ایدرلر . مذکور جاده لردنه و قتیله دیکیلن کولکلی ساحلورده اغاجلر ، مارین و عابرینک استراحتنی تأمین ایدیور . امامک مزارینی زیارت ایچون هر سنه بلاد بعیده اسلامیه دن ترک ، عرب ، عجم ، افغان ، هند ، جاوه ، تاتار ، اوزبک مسلمانلرندن آتش بیک کیشی مشهده شهرینه اوغرایوب کونلرجه اقامت ایدرلر . (مکه معظمه) ، (کربلا) ، (نجف) زیارتگاهلرندن صکره بو محل مبارک اک معنا و مقدس اماکن مبرکه اسلامیه دن معدوددر . مزارک بولندیغی محلاک اطرافده کنیش اوطلر و رواقلر انشا ایدیلوب غربا و فقرانک اقامت لرینه تخصیص اولنشدر . بالعموم یریوزنده کی شیعی المذهب مسلمانلر طرفندن (حضرت رضا) یه هدایا و نذورات تقدیم اولنش و مشارالیهک مزاری عادتاً براسلامی (موزه خانه) حاله افراغ اولنشدر . بوتون ایران شاهلرینک تقدیم ایتدکاری قیمتی مجوهرلر ایچنده برقاچ دانه مرصع تاج دخی بولنقهده در . مرقد مذکورک پارماقله لرلیله قاپولری صوم آلتون و کوموشدن یاییلیدیغی کبی ایچنده کی مفروشائی ده پک قدیم و دکرلیدر . بوندن بشقه امامک درت خزینه سی اولوب ایچنده انواع اینجولرله کوزل و قیمتی فیروزه و مجوهرلر طولودر . ایران شاهلرندن اولوب هندستانه هجوم ایله عودتنده برابر کتیردیکی آلتون و مجوهراتی (نادر شاه) کاملاً امام حضرتلرینه وقف و تبرع ایتک صورتیه دیندارلغنی اثبات ایلشدر . امامک مزارینی انشا ایچون (کاشان) ایله (آذربایجان) ولایتلرندن یکپاره و قیمتی مرمر و مصنع طاشلر مزاحم و مشاق فوق العاده ایله مشهده نقل ایتدیریلوب ایجاب ایدن یرلره وضع اولنشدر . مزار مذکورک انشاسنه و قتیله ایرانک اک برنجی معمارلری طرفندن اعتنا و دقت اولنش و اثرک میدان کتیرلمسنه صوک درجه همت و غیرت ایدیلشدر .

امامک موقوفاتی اوقدر چوقدرکه ، وارداتی بر کوچوک اوروپا حکومتک وارداتنه مقابله در . امامک مزاری اطرافده اون آلتی مدرسه علمیه انشا ایدیلرک ، دائمی صورتده بیک ایکی یوز طلبه علومک تحصیل علوم دینه ، ادبیه ، منطقیه و فلسفیه اسلام ایله اشتغال ایللرینی تهیل ایلشدر . امامک مزارینه باقان خدمه و مأمورینک عددی اوچ بیک کیشی یی متجاوز اولوب بونلره بیه جک ، کیه جک و معاش یرلمکده در . حاصلی ایرانده بولنان املاک و عقارک درتده بری امامه وقف ایداش و کیجه کوندوز امامک مطبخندن فقرایه اطعمه و اشربه

«ترقیات فنونہ اسلامیہ»

نامی تحتندہ برلیندہ بر جمعیتک تشکیل اولدینی وهدف مقصدی ایسه عالم اسلامک احوال مذهبیہ و فکریہ سنی، حیات اجتماعیہ و مدنیہ سنی تدقیق ایله تعقیب ایتک والدہ ایتدیکی معلوماتی غرب مدینتی نظر اطلاعنه وضع ایتک اولدینی بیان ایدلکدن صکره دیورکه :

« حال حاضرده ممالک اسلامیہ نک همان هر طرفسده اوروپا ملل مدنیہ سنک نظردقنی جلب ایدہ جک صورتده بر فعالیتده بولونولدیغندن، المانلرده داخل اولدقلى حالده ، غربیلرک قوه فمالیہ لرینه احضار اولنان بوواسع اراضی ده اوروپالیر دها زیاده صرف مساعی ایدہرک ایچرلرینه طوغری صوقولوب غربیلرک اورالرده انبساط ایتسنه چالیشمق زمانی کلشدر. بوملککلرہ موفقیتله صوقوله بیلیمک ایچون انجق اورا احوالک کهنه وقوف تام حاصل ایتک ایله اوله بیلیر .

ایشته شو تشکیل ایدن جمعیت ، شرق احوال حاضرہ وسابقہ سی مراقیلرینک تعمیق معلوماتلرینه بر منبع تشکیل ایدہرک دائرہ معلوماتلرینک توسیعنه خدمت ایدہ جکدر . بو خصوصده ممالک اسلامیہ ده مدت مدیده متمکن واسلاملرله دائرہ تماسده بولنوبده ویرہ جکلری ایضاحات ومعلوماتک حقیقتنه اشباه حاصل ایتدرمیه جک معتمد صاحب درایتلر ترجیح اولدینی جهتله ، بوکلی منبعلردن حیاتی وفن الدہ ایدیلان معلومات کتاب شکلنده نشر ایدلکدن ماعدا ، دائمی وصورت منتظمده قونفرانسلرده ویریلہرک جمعیت اعضالرینک تنویر افکارینه چالیشیلہ جق ، جمعیت وارد اولان سؤاللره بر منبع اخذ معلومات اولہ جق ، منتظم برکتبخانه تشکیل ایدیلہرک حال حاضرده ادبیات وحرکات اسلامه دائر نشر اولنان کتابلر ، خصوصیلہ اسلام غزتلری مندرجاتی جمع اولنہرق اعضالرینک مستفید اولسنه سعی وغیرت اولنہ جقدر»

ایشته تشکیلی و طنز داشلریمک نظرکاه عبرتلرینه عرض ایلدیکم المان جمعیتک تعقیب ایدہ جکی خط حرکت ، هر نه قدر بزم ایچون هنوز مجهول ایسه ؛ هر حالده موجب انتباه وداعی بصیرت در . ذاتاً مندرجاتندن دخی اکلاشلدینی اوزره ترجیحاً انتخاب ایتدکاری اخذ معلومات منبعلری مدت مدیده اسلاملر ایچروسنده متمکنینه اوروپالیر اولدقلرندن ، بونلرک کندی حسیاتلرینه مغلوب اولمہدن بیطرفانه معلومات ویرملری قابل تصورمیدر ؟ جمله نک معلومی اولدینی اوزره ، هر هانکی بر فرد نقطه بیطرفی التزام عزم قویسنده بولونسه بیله ینه حسیات ملیہ ومذهبیہ سنه بلا اختیار مغلوب اولدینی تجربه ایله ثابت در . هر کون یکی یکی ، حیرت آمیز حوادث اوقومق هوسنده بولونان یکرمنجی عصر غرب اهاالیسنک اشتہاسنه نه صورتله غلبه چالہ جغنی شاشیرمش اولان اوروپا مطبوعاتی ویریلان معلوماتلرک اکثریسی بلا تحقیق وتدقیق ، بمضارینی دہیلان یا کلش طبع ایتدکلرندن قارئلرینی عالم اسلامک کسب استحقاق ایتدیکی فکرلره دوشوریورلر . [بوقیلدن اولہرق بو هفته انتشار ایدن «ووهن شاو» رسمی غزته سی ایتالیا لیرک طوبه طودقلى بحر سفید بوغازی مدخلی دیہ بزم استانبول

بوغازنده کی روم ایلی حصارینک رسمنی قارئلرینه کوستریور .] ایشته بونک ایچوندرک بزدہده بوکلی جمعیتلر تشکیل اولنوبده حقمزده حقیقتہ غیر موافق نشریات ینه کندی لسانلریله جرح اولونہرق نشر ایتدیریلسه عالم اسلام واقوام شرقیه حقندہ نشوونما بولمش اولان ظنیات بردنبرہ صولہرق محو اولہ جغنی کبی اسلامیت حقندہ صاغلام فکرلر حصوله کتیریلہ جکی شہدن وارستہ در . ذاتاً ترزلہ وتفرقه یه کرفتار اولمش اولان فکر خرسیانی حقیقتک اظهاریلہ تنویر اولنہ جق اولور ایسه اسلامیتک استفادہ سنی موجب اولہ جغندہ قطعاً شہہ ایتہ ملیدر . استوغارتده اناتولی حصارلی

محمد خیرالدین

توکیودن مکتوب

مارت نہایتندہ بر کون توکیودہ کائن زادکان مکتبک یوم مخصوصی مناسبتیه دعوت اولمشدم . مکتبه کادیکمدہ هیئت معلمین طرفندن استقبال اولنہرق مکتبک مدیری ، مشهور جنرال نوجی جنابلرینک حضورینه قبول بیورولدم ، اون دقیقه قدر کندیلریله صحبت ایتدم ، الاریمی صیقره رق پدرکزه آیروجه عرض احترام ایدہرم ، مکتوب یازارہ کز سلامی یازیکز بیوردیلر . مکتبک قایق یاریشلی باشلادی ، بز مشار ایله جنرال ایله بر قایقده یاریش محلہ کیدہرک سیر ایتدک . محل مذکورہ ولی عهد حضرتلری دخی تشریف بیورمشلردی . یاریشی متعاقب چای ضیافتندہ هر کس باش آچیق اولدینی حالده یالکیز بن فس ایله بولنیوردم . ولی عهد حضرتلرینک نظر دقتلرینی جلب ایتشم ، غایت نازک برذات اولدینی ذاتاً مشاہدہ اولنیوردی . مشارالیه حضرتلرینک مجلسدن مفارقتلری اثناسندہ جنرال نوجی جنابلری « ژاپون محی برکنج تورک طلبہ سی » دیکرک بنی ولی عهد حضرتلرینه تقدیم ایتدیلر . مشارالیه جنابلری یانہ کلہرک التفات بیوروب :

— تشکر ایدہرم ، ایکی ملت یقینده بری برینی دها یقیندن طانیاجقلر ، محبتمز هرایکی طرفدندر ، چالشکر ...! دیکرک کجی . بن دہ برشی دیہمدم ، نوجی جنابلری ولی عهدی تشییع ایتدکدن صوکرہ کولہرک یانہ کلدی . « ولی عهد سزه تکرار سلام سویلہدی » دیکرک پک صمیمی بر التفات ایله علاوہ ایتدی : « ولی عهد بویله التفات ایتدیکی زمان باباک اولسه ایدی ، فرستدن بالاستفاده برچوق شیلر سویلردی ، کوردکی بابالریله اولادلرک فرقئی ؟ ...! » بیوردیلر . بعدہ تکرار چای ضیافتی دوام ایتدی ، بوکرہ ضیافت خصوصی ایدی ، مکلف آدملر کتمشدی ، معافیہ ینه برچوق آدملر واردی .

انشاء ضیافتده برچوق نطقلر ایراد اولندی . نطقلرک خلاصہ سی محاربه حاضرہ مناسبتیه ژاپونلرک حسیاتنه عائد اولوب هپ بر آغزدن ایتالیا لره اظهار نفرت اولنیوردی . بالخاصہ مکتبک علوم الهیہ معلمی فرانسیزجه نطق ایراد ایدہرک غایت مفصل صورتده آوروپا وحشتندن بحث ایتدکدن صوکرہ ، بیاض بلایه قارشى ژاپون ومسلمانلرک وظیفہ لرندن ، و « بالآخره عن قریب هلال ایله کونش برلشیر ، سویشه سویشه قوقلاشیر » جمله سیله نطقنه ختام ویردی .

بونى متعاقب جنرال نوجی جنابلرینک قاین برادری واتانابا جنابلری دخی ایکی ملتک محبتندن بحث ایتدکدن صوکرہ آی ایله کونش یکدیگرینه غیرمفارق اجرام سماویہ دن اولدینی سویلہدی .

علوم دینیہ معلمی اسلامیتک علویتندن بحث ایدہرک خمرک حرمتی اسبابی غایت مؤثر صورتده ایضاح ایلدی . حقوق معلمی ، اسلامیتده حقوق نسوانی مدح ایتدی .